



Kommunalbestyrelsi 25. Juni 2019 nal. 17.00

Kommune Qeqertalik
Kommunalbestyrelsip
Immikkut ittumik ataatsimiinnera

Hansen, Ane	IA
Olsen, Peter	IA
Sørensen, Hector Lennert	IA
Samuelsen, Aqqa	IA
Aronsen, Hans	IA
Petersen, Thomas	IA
Kristensen, Niels	IA
Jeremiassen, Kristian	IA
Frederiksen, Ole I	S
Sandgreen, Enok	S
Mølgaard, Timooq	S
Jeremiassen, Otto	S
Zeeb, Hansiaraq	S
Broberg, Kristian	S
Kristensen, Naja	A

Ataatsimiinnermi aqutsisoq:

Ane Hansen, IA

Allatsi:

Alida C. Rafaelsen

Ataatsimiinneq:

Naapilluni ataatsimiinneq

ULLORMUT OQALUSERISASSAT**19-040 Immikkut ittumik nunaminertamik qinnuteqaat. Illu B-12543****19-041 Pisortanit ikiorsiissutiniit Suliffeqartitsinermut aningaasanik nuutsitsineq.....5****19-042 Aasiaat Timersortarfiata qalissialersornissaanut tapiiffigeqqulluni qinnuteqaat....7****19-043 Ukioq 2018-imut naatsorsuutit, Kommune Qeqertalik.....8****ILISIMATITSISSUTIT9****ATAATSIMIINNEQ NAAVOQ9****ATSIORFISSAT9**

Oqaluuserisaq	Oqaluuserisassat akuerineqarnerat
----------------------	--

Oqaaseqaatit:**AALAJANGERNEQ:**

--

Suliap nr.	19-040	llanng. nr.	1	Journal nr.	18.00.02
Oqaluuserisaq	Immikkut ittumik nunaminertamik qinnuteqaat. Illu B-1254				

EQIKKAANEQ:

Illu B-1254 1. Sal-imiittoq elektronik-imik sannavittut atorneqarsimasup illusimmavittut (indkvartering) atorneqalernissaanut immikkut akuerineqarnissaanik qinnuteqaat.

SULIAP SULIARINEQARNERA:

Tele Greenland sinnerlugu Masanti A/S qinnuteqarpoq, Aasianni illup B-1254 quleriinni siullermiittoq (1. Sal) atorneqarnerata allanngortinneqarnissaanut. Illu Radioqarfimmi 1000-E02-mi, E:Teknikkimut atortut atortullu attaveqaateqarnermut tunngassuteqartumi inissisimaffeqarpoq. Elektronik-imik suliffiusoq illusimmavittut (indkvartering) qinnutigineqarpoq, Tele Greenland-ip sulisuminut aqqusaartunut taartaasartunullu illusimavigitittalerusullugu, tassa imaappoq aalajangersimasunik najugarineqartussaannngitsut.

Quleriinni siullermiittoq (1. Sal) tamarmi nutarterneqarpat sisamanik sinittarfeqassaaq, igaffik/nerisarfik, isersimaartarfik, uffarfik sulisunullu anartarfik.

Inatsisit tunngaviusoq:

- Pilersaarusionerq aamma nunaminertat atorneqartarnerat pillugit Inatsisartut inatsisissaat nr. 17, 17. november 2010-imeersoq
- Pilersaarusionerq aamma nunaminertat atorneqartarnerat pillugit Inatsisartut inatsisaata nr. 17-p 17.november 2010-meersup allanngortinneqarneranik Inatsisartut inatsisaat nr. 34, 9. december 2015.
- Kommune Qeqertalik kommunimut pilersaarutaa 2014-2030

KINGUNISSAI:

Akuersisoqarpat kommunimut pilersaarut ataatsimiititaliaq INUA-nut inaarutaasumik akuerineqartussaannngorlugu nassiunneqassaaq.

Inaarutaasumik akuersisoqarpat kommunimut pilersaarut atuutilissaaq tamannalu tamanut nalunaarutigineqassaaq.

Tamatuma kingorna kommunimut pilersaarutip inaarutaasumik akuerineqarnermi kingorna sapaatip akunnerini arfineq pingasuni atuuttumik Nuna tamakkerlugu pilersaarusiortarfimmut maalaarutaasinnaalissaaq.

ANINGAASATIGUT KINGUNISSAI:

Kommunip aningaasaqarneranut kinguneqassanngilaq

SULIAP SULIARINEQARFIA:

Ataatsimiititaliaq INUA

ILANNGUSSAT:

llanngussaq 40-1 Nunaminertamik qinnuteqaat

INASSUTEQAAT:

Allaffissornermik suliallit ataatsimiititaliaq INOQARFIK ima siunnersorpaat

Tassalu, Kommune Qeqertaliup kommunimut pilersaarutaatut 2018-30-p siunnersuut qarasaasiaq atorlugu suliarineqartoq ataatsimiititaliap INOQARFIK-up immikkut ittumik akuerissagaa tamatumalu kingorna

inaarutaasumik akuerineqartussanngorlugu ataatsimiititaliamut INUA-nut nassiutissagaa. Piffik C:
Sumiiffimmi qitiusoqarfimmiingimmat immikkut ittumik akuerineqarnissaa innersuuppara.

AALAJANGERNEQ: Ulloq 04. Juni 2019 _Ataatsimiititaliaq INOQARFIK ataatsimiikkami aalajangerpoq

Inassuteqaat akuerineqarpoq.

AALAJANGERNEQ: ulloq 18. Juni 2019 ataatsimiititaliaq INUA ataatsimiikkami aaliangerpoq

Inassuteqaat akuerineqarpoq

AALAJANGERNEQ:

Suliap nr.	19-041	Ilanng. nr.		Journal nr.	01.00.03
Oqaluuserisag	Pisortanit ikiorsiissutiniit Suliffeqartitsinermut aningaasanik nuutsitsineq				

EQIKKAANEQ:*Suliaq aaliangiiffigisassaq*

Suliffissaaleqineq akiorniarlugu, kiisalu suliffissaaleqisut inuttut ilinniarsimassutsikkullu piginnaasaat qaffassarniarlugit, uani siunnersuutigineqarpoq kommunemi innuttaasut pitsaanerpaamik piginnaangorsaqqinneqarnissamat periarfissaqassasut. Aaliangiiffigisassatut suliaq siunnersuutaavoq.

SULIAP SAQQUMMIUNNERA:

Kommunemi sulisut 25-t kiisalu innuttaasut nutaat 25-t aaqqiissut pioreersoq malillugu ullumikkumiit pitsaanerumik piginnaangorsarsinnaavagut. Inuit ilinniarsimangitsut 50-t piginnaangorsarneqarlutillu suliffeqalissappata nutsernermut aningaasat 500.000 kr. Pisortanit Ikiorsiissutiniit Suliffeqartitsinermut nuutinneqarnissaat pisariaqartinneqarput. Aningaasat 500.00-t iluiniipputtaaq aningaasat Pisortanit Ikiorsiissutiniit Suliffeqartitsinermut nuutinnerinut aningaasartuutit.

Aaqqiissut pitsaasuusinnaavoq soorlu utoqqaat illuanni sulisunik ataavartunngorsaanerit piginnaangorsaqqiinerillu kinguneqarsinnaavoq, ullumikkut sulisut ilinniarsimangitsut amerlavallaarput. Aaqqiissut kommunep suliffiutaani sumiluunniit atorneqarsinnaavoq. Aaqqiissut aamma avatangiisini pioreersuni atorneqarsinnaavoq tassani atukkanik avatangiisinillu pitsanngorsaalluni taamaalillunilu sillimaniarneq ineriartorsinnaanerlu qaffassarneqassapput. Piviusunngortinnissaanut siunnersuusiortoqarnikuuvoq taanna kommunit pisortaanut nassiunneqarnikuuvoq (ilanngussaq takujuk).

ANINGAASATIGUT KINGUNISSAT:

Missingersorneqarpoq K.Q. innuttaasumut ataatsimut qaammammut 3000 kr. sipaarutaassasut, kiisalu Pisortanit Ikiorsiissutiniit Suliffeqartitsinermut aningaasanik nuutsitsineq pisuulluni aaqqiissut kommunemut immikkut aningaasartuutaasimassanngitsaq. K.Q. missingersuummiit aningaasanik annertunerik sipaaruteqassagalarpat (tamannalu naatsorsuutigineqarpoq) kommunemut pitsaasuusutut tamanna nalilerneqarpoq. Piginnaangorsaneq ilinniarneq Namminersorlutik Oqartussanit tamakkiisumik aningaasalersorneqassaaq (uani akileraarutitigut isertitat kommunenut iluaqutaasussat naatsorsuussami ilaatinneqanngillat).

KINGUNISSAT:

Utoqqarnik sullissisut ataavarnerit piginnaasaqarnerillu Inoqarfinni pitsanngorsaanerik, nalilersuinerik ineriartortisinermillu aallartitsineq Pisortanit Ikiorsiissutiniit Suliffeqartitsinermullu aningaasat annikinnerit atorneqassapput

INATSIT TOQQAMMAVIK:

Piginnaangorsaaqqinnissamat ikiorsiisarneq pillugu Inatsisartut peqqussutaat nr. 4, 31. maj 2001-imeersoq

INASSUTEQAAT:

Pisortanit Ikiorsiissutit Suliffeqartitsinermut aningaasanik 500.000 kr.-nik nuutsitsisoqarnissaq innersuussutigineqarpoq (Konto 34)

ILANNGUSSAQ:

Ilanngussaq 41-01 Piginnaangorsarfimmik saqqummiussineq

MALUGIUK: Ulloq 07. Juni 2019

Ataatsimiititaliaq INUIT aamma ataatsimiititaliaq INOQARFIK-iup siulittaasui oqarasuaatikkut suliaq saqqummiussaq pillugu, oqaloqatigineqarput ulloq 7. Juni 2019 tamarmik formandsbeslutningerlugu akuersaarpaat ataatsimiititaliaq INUA-nut ingerlaqqinnissaannut

AALAJANGERNEQ: ulloq 18.juni 2019 ataatsimiititaliaq INUA ataatsimiikkami aaliangerpoq

Inassuteqaat akuerineqarpoq

AALAJANGERNEQ:

Suliap nr.	19-042	Ilanng. nr.	1	Journal nr.	18.00.02
Oqaluuserisag	Aasiaat Timersortarfiata qalissialersornissaanut tapiiffigeqqulluni qinnuteqaat.				

EQIKKAANEQ:

Ulloq 06. Juni 2019 timersortarfiup siulersuisui allakkatigut qinnuteqarput, tapiiffigeqqullutik timersortarfiup qalissiaata taarsersornissaanut.

SULIAP SULIARINEQARNERA:

Siulersuisuniik qalissiap taarsersornissaata suliarinnittussarsiornerani neqeroortitsinermut suliffeqarfiit marluk neqerooruteqarsimapput:

Aasiaat VVS neqeroorluni kr 1.050.000,00

KJ Greeland neqeroorluni kr 749.000,00

Taamaasilluni timersortarfiup siulersuisuisa neqeroorut akikinnek kr 749.000,00 toqqarluu.
Nalunaarutigineqassaaq Namminersolutik Oqartussat neqeroorutip kr 749.000,00-it affai tapiissutigissallugit akuersimammata.

ANINGAASATIGUT KINGUNISSAI:

Timersortarfiup qalissiasaa akileqarneqarsinnaavoq 59-03-10-35-00-kut

Maannakkumut atukkat ukiup affaanut 48,9%-miipput Siorna 2018-mi atorfimasagut 95,7%-ullutik. August September aningaasanik qinnuteqarsinnaanerput naatsorsuutigineqarumaarpoq, aningaasanik atorfissaqartitsissangatta.

SULIAP SULIARINEQARFIA:

Ataatsimiititaliaq INUA

ILANNGUSSAT:

Ilanngussaq 42-1 Timersortarfiup siulersuisuisa qinnuteqaataat

Ilanngussaq 42-2 Tilsagnsskrivelse Aasiaat Timersortarfiat

Ilanngussaq 42-3 2018 aamma 2019 balance takussutissat

Ilanngussaq 42-4 Timersortarfiup nassuiaataa

INASSUTEQAAT:

Allattoqarfimmiik inassuteqaatigineqassaaq, ataatsimiititaliaq INUA –ta suliap aallartinneqarnissaa akuerissangaa, 2019 aasaanerani timersortarfiup qalia taarsersorneqarluni aallartissinnaaniassamat.

MALUGIUK: Ulloq 11. Juni 2019

Ataatsimiititaliaq TIMI TARNILU-p siulittaasuata allakkatigut formandsbeslutningerluni, ataatsimiititaliaq INUA-nut ingerlaqqinnissaa akuersaarpaa. Siunertaamat aasaanerani suliap aallartinneqarsinnaanera.

AALAJANGERNEQ: Ulloq 18. Juni 2019 ataatsimiititaliaq INUA ataatsimiikkami aaliangerpoq

Inassuteqaat akuerineqarpoq

AALAJANGERNEQ:

Suliap nr.	19-043	Ilanng. Nr.		Journal nr.	
oqaluuserisag	Ukioq 2018-mut naatsorsuutit, Kommune Qeqertalik				

UTEQQIINEQ:

Ukioq 2018-mut naatsorsuutit naammassipput. Kukkunersuisup naatsorsuutit kukkunersiorpai kingusinnerusukkullu naatsorsuutit oqaaseqaasiorfigissavai kiisalu kukkunersuisutut uppernarsaat nassitutissavaa.

SULIAP SULIARINEQARNERA:

Kommunit Namminersorlutik Oqartussat missingersuutaat naatsorsuutaallu pillugit inatsisartut inatsisaat nr. 26 28. november 2016-meersoq naapertorlugu INUA naatsorsuutinik kommunalbestyrelsimut saqqummiisussaavoq, takuuk § 42.

§-imi tassani naatsorsuutit makkunannga aamma imaqaassapput:

- 1) kommunip qularnaveeqqusiinerinut, attartornerinut, attartortitsinerinut aamma qularnaveeqqusiisuteqarnermi pisussaaffiinut nalunaarsuutit,
- 2) pisariaqartitsineq naapertorlugu pissutsit qanoq ittuunerannut nassuiaatit, minnerunngitsumik aningaasaliissutaasut naatsorsuutaasullu malunnaatilimmik nikingassuteqarneranni, aamma
- 3) kommunip aningaasaliiffigisassatut pilersaarutaanut, ukiunut arlalinnut missingersuusiaanut il.il.

Kommunalbestyrelsip naatsorsuutininut nassuiaatit isummerfigissavai aamma naatsorsuutini immikkuualuttut malitseqartinneqassanersut isummerfigissallugit, tamatumalu kingorna naatsorsuutit kommunalbestyrelsip kukkunersuisunut Naalakkersuisunullu ingerlatissavai. Takuuk §42 imk. 2

ANINGAASATIGUT KINGUNISSAI:

Ukiunut naatsorsuutit inernerit tassaavoq 48,4 mio. koruunit aamma aningaasat tigoriaannaat 59,3 mio. koruuniupput. Sanaartugassarpaaluit naammassineqarsimanginneri pitsaasumik angusaqarnermut peqqutaanerpaapput. Taakkua aningaasartaat 26 mio. koruuniupput.

Kommunalbestyrelsip siusinnerusukkut ataatsimiilluni aalajangerpaa sanaartugassat 2018-imi naammassineqarsimangitsut immikkut ittumik aningaasaliilluni 2019-imut missingersuutininut ilanngunneqassasut.

INATSIT TUNNGAVIUSOQ :

Kommunit Namminersorlutillu Oqartussat missingersuutaat naatsorsuutaallu pillugit Inatsisartut Inatsisaat nr. 26, 28. november 2016-imeersoq.

INASSUTEQAAT:

Naatsorsuutit kommunalbestyrelsimut saqqummiunneqartut akuerineqassasut inassutaavoq.

ILANNGUSSAT:

Ilanngussat 43-1- miik 43-36-imut Ukioq 2018-mut naatsorsuutit, naatsorsuuserisutut nassuiaatit KAL Ilanngussat 43-37 miik 43-72-imut Årsrapport Qeqertalik 2018 og regnskabsforklaringer DK

AALAJANGERNEQ: Ulloq 18. Juni 2019 ataatsimiititaliaq INUA ataatsimiikkami aalingerpoq

Inassuteqaat akuerineqarpoq

AALAJANGERNEQ:

ILISIMATITSISSUTIT:**ATAATSIMIINNEQ NAAVOQ:****ATSIORFISSAQ:**

Hansen, Ane

Olsen, Peter

Sørensen, Hector Lennert

Samuelsen, Aqqa

Aronsen, Hans

Petersen, Thomas

Kristensen, Niels

Frederiksen, Ole I

Sandgreen, Enok

Mølgaard, Timooq

Jeremiassen, Otto

Jeremiassen, Kristian

Zeeb, Hansiaraq

Broberg, Kristian

Kristensen, Naja
